



Janaayo-Maarso 2020, Warside, daabacadii 4aad

Guddiga Madaxa-bannaan ee Doorashooyinka Qaranka

TUSMO

- GMDQ oo shahaadooyin guddoontsiiyey xisbiyo cusub oo si ku-meel-gaar ah loo diiwaan-geliyey
- GMDQ oo doortay guddoomiye ku-xigeen cusub
- GMDQ oo shahaadooyin ku-meel gaar ah guddoontsiiyey xisbiyo cusub
- Gudoomiyaha GMDQ marwa Halima oo la kulantay safirka Sweden ufadhiya Somalia
- GMDQ ayaa la kulmay qaybaha kala duwan ee bulshada baydhabo
- GMDQ oo la kulmay guddiga ku meel-gaaarka ah ee diyaarinta sharciga doorashooyinka qaranka.
- GMDQ oo wadatashi la yeeshay bulshada maamulgobolledka Galmudug
- La tashiga guddiga doorashooyinka ee bulshada DG Hirshabeele
- GMDQ oo la kulmay guddiga iskudhafka ah ee Baarlamaanka
- Gudoomiyaha guddiga oo la kulantay taliyaha ciidanka Booliska Soomaaliyeed

GMDQ OO SHAHAADOOYIN GUDDOONSIIYEY XISBIYO CUSUB OO SI KU-MEEL-GAAR AH LOO DIIWAAN-GELIYEEY



GMDQ oo shahaadooyin guddoontsiiyey xisbiyo cusub (Photo credit: NIEC)

4th Janaayo 2020, GMDQ ayaa shahaadooyin guddoontsiiyey toddobo xisbi oo cusub oo ka mid noqon doona xisbiyada sida ku-meel-gaarka ah u diiwaan-gashan. Xaflada shahaadooyinka lagu guddoontsiiyey xisbiyada cusub

ayaan ka dhacday xarrunta dhexe ee GMDQ. Xisbiyada is-diiwaan-geliyey ayaa kala ah: Xisbiga Isbahaysiga Caddaaladda iyo Sinaanta, Xisbiga Samata-bixinta Ummadda Soomaaliyeed, Xisbiga Caddaaladda iyo Dib-udhisika Soomaaliyeed, Xisbiga Wadatashi Qaran, Xisbiga Horseed, Xisbiga Midnimadda Maandeeq iyo Xisbiga Horrumarinta Ammniga iyo Dimuquraadiyada.

Maxamed Cumar Heydara oo ah Diiwaan-geliyaha xisbiyada ayaa furitaankii xaflada hadal kooban ka jeediyeey isaga oo soo dhaweeeyey dhamaan ka soo qeyb-galyaasha xaflada, gaar ahaan guddoomiyeeyaasha xisbiyada cusub, waxaa uuna ku war-geliyey in ay xisbiyadu ku dadaalaan sidii ay u noqon lahaayeen xisbiyo rasmi ah, isaga oo si faahfaahsan ugu sharaxay waxyabaha looga baahan yahay in ay fuliyaan si ay ku noqdaan xisbi rasmi ah, waxaa kale oo uu aad ugu adkeeyey in ay sharciga iyo qawaaniinta dalka ilaaliyan. Dhinaca xisbiyada oo ay u hadleen gudoomiyeyaashoodu ayaa ka mahad-celiyey sidii hufneyd ee uu GMDQ ula shaqeeyey intii ay ku guda jireen diyaarinta hawla ha is-diiwaan-gelinta maanta u qabsoontay.

GMDQ OO DOORTAY GUDDOOMIYE KU-XI-GEEN CUSUB

Janaayo 09, 2020 waxaa maanta lagu qabtay xarunta dhexe ee GMDQ, doorashada Guddoomiye K/Xigeenka Guddiga oo bannaanatay Janaayo 2019. Jagada Gudoomiye ku-xigeenka Waxaa isku soo sharaxay xubbno ka mid ah guddiga oo kala ah. Xuseen Cabdi Adam, Adam Cabdiniasir Maxamed iyo Cabdiraxman Cusman Dirir. Sida uu dhigayo sharciga lagu dhisay Guddiga (Lr4) qodobkiisa 6aad farqadiisa 2aad xubnaha Guddigu waxaa ay iska dhex dooranyaan Guddoomiye iyo Gudoomiye ku-xigeen. Si haddaba loo doorto guddomiye ku-xigeenka guddiga waxaa ugu horeyn goobta doorashadu ka dhaceysay hadal kooban oo soo dhaweyn iyo ujeedada la isugu yimid ka jeediyeey Xog-hayaha guud ee GMDQ Cabdirasaq Bashir, isagoo xusay in maanta guddigu dooranayo godoomiye ku-xigeenka guddiga oo loo maraya habraaca uu dhigayo xeer-hoosaadka guddigu oo ah in ay goobta doorasha ay joogaan lix xubnood ee guddiga .

Gudoomiyaha GMDQ, Marwo Xaliima Ismaaciil Ibrahim ayaa sheegtag in jagadaan iyo xubbinimada booskaan ay banaanaatay Janaayo 2019kii, intii ka danbeysay xilligaas waxaa uu guddigu ka sugayey Gollaha Shacabka in uu soo buuxiyo xubinta bannaanaatay, ka dib markii uu Gollaha Shacabku soo buuxiyey, xubintii ayaan

maanta dooraneynaa gudoomiye ku-xigeen.

waxaa goob -joog ka ahaa doorasha oo codkooda ka dhiibtay toddaba xubnood oo ka mid ah Guddiga halka ay gudoomiye Xaliimo ka aamustay, Iyadoo tirada guud ee xubnaha Guddigu ay tahay sagaal xubnood.

Guddiga ayaa u kala codeeyey musharaxiintii isu soo sharaxay xilka gudoomiye ku-xigeenka. Wareegii labaad ee doorasha ayaa Marwo xaliimo ku dhawaaqday natijjadii doorashada oo ah in Adam Cabdiniasir Maxamed ku guuleystay in uu noqdo guddoomiye ku-xigeenka GMDQ.

Doorashada waxaa Goobjoog ka ahaa xubno ka tirsan labada aqal ee Baarlamaanka, Bulshada Rayidka iyo xubno ka socday Gobolka Banaadir.



Doorashadii guddoomiye ku-xigeenka cusub (Photo credit: NIEC)

GMDQ OO SHAHAADOOYIN KU-MEEL GAAR AH GUDDONSIIYEY XISBIYO CUSUB



GMDQ oo shahaadooyin ku-meel gaar ah guddonsiiyey xisbiyo cusub (Photo credit: NIEC)

2 Febraayo,2020, Munaasabad Shahaadooyin lagu guuttooniinayay lix Xisbi Siyaasadeed ayaa lagu qabtay maanta xarunta dhexe GMDQ ee Magaaqlada Muqdisha. Xisbiyada la siiyay Shahadooyinka ku meel gaarka ah waxay kala yihii, Xisbiga Midnimmada Ummadda Soomaaliyeed, Xisbiga Dimuqradiga Dugaal, Xisbiga Horyaal Qaran, xisbiga Hilaac, Xisbiga Hiigsi Qaran iyo Xisbiga Caddaaladda Bulshada. Munaasabadda waxa hadalo isugu jira soo dhoweyn iyo boogaadin ka jeediyyat diiwaangeliyaha xafiiska Diiwaangelinta Xisbiyada ee GMDQ Maxamed Cumar Axmed Haydara isaga oo ku ammaanay masuuliyiinta xisbiyada dadaalka ay ugu jiraan sidii Soomaaliya uga dhaci lahayd doorasho xalaal ah 2020.

“Xisbiyada Siyaasadda iyo GMDQ waa inay wada shaqeeyan taas ayaana lagu gaari karaa hadafka aan hiig-sanayno ee ah in doorashooyin dimukraadiya ay dalka ka dhaacaan” ayuu yiri Diiwaangeliyahu. Waxaa kale oo uu kula dardaarmay Diiwaan-geliyahu masuuliyiinta Xisbiyada la guuttooniinay shahaadada inay u hawl galaan sidii ay u noqon lahaayeen Xisbiyo rasmi ah si looga wada shaqeeyo in dalkan ay ka dhacdo doorasho xaq iyo xalaal ah. Dhinaca xisbiyada oo ay u hadleen gudoomiye-yaashoodu waxay ka mahad-celiyeen sidii hufneyd ee uu GMDQ ula shaqeeey intii ay ku guda jireen diyaarinta hawlaha is-diiwaan-gelinta maanta u qabsoontay. Gabagabadii munaasabadda waxaa soo xiray guddomiye ku-xigeenka GMDQ mudane Aadan Cabdinaasir Maxamed oo kula dardaarmay masuuliyiinta xisbiyada inay ilaaliyaan shuruucda xisbiyada u yaala si ay u gaaro hadafkooda.

GUDOONIYAH A GMDQ OO LA KULANTAY SAFIIRKA SWEDEN UFADHIYA SOMALIA

6 Feb,2020, Gudoomiyah Guddiga Madaxbanaan ee Doorashooyinka Qaranka Xaliima Ismaacil Ibraahim ayaa maanta Xarunta dhexe ee guddiga kula kulantay safiirka Sweden u fadhiya dalka Soomaaliya Mudane Staffan Tillerander.Soo dhawayn ka dib gudoomiyahay warbixin ka siisay safiirka hawlahu u diyaar garowga doorashooyinka dhici doono dabayaqa sandkaan 2020 iyo sida uu GMDQ ugu diyaar garobay fulinta doorasho qof iyo cod ah.Safiirka iyo gudoomiyah Guddiga ayaa bogaadiyay shaqada wanaagsan ee labada aqal ka qabteen sharciga doorashooyinka, iyadoo Golaha Shacabka uu horey u soo ansixiyay Sharciga Doorashooyinka halka Aqalka Sare na la filaayo in uu dhawaan ansixiyo .Safiirka ayaa bogaadiyay shaqada wanaagsan ee guddigu uu ka qabtay u diyaar-garowga hawlahu doorashada sidoo kalena waxaa uu sheegay in dowladda Sweden ay diyaar u tahiya taageerada hawlahu guddiga si uu u xaqijiyo doorashada qof iyo cod ah oo Soomaaliya ka dhacdo.Ugu danbayn gudoomiya Xaliima ayaa u mahadcelisay dowlada Sweden sida ay u garab taagan tahay hawlahu dowlad-dhisidda Soomaaliya, oo arrimaha doorashooyinkana qeyb ka yihiin.



Gudoomiyah GMDQ marwa Halima iyo safiirka Sweden ufadhiya Somalia (Photo credit: NIEC).

GMDQ AYAA LA KULMAY QAYBAHA KALA DUWAN EE BULSHADA BAYDHABO



Kulanka GMDQ iyo bulshada Baydhabo (Photo credit: NIEC)

13Feb,2020 Guddiga Madaxabanaan ee Doorashooyinka Qaranka ayaa maanta magaalaada Baydhabo kula kulmay qaar kamida Bulshadada halkaa ku dhaqan, kulanka oo ujeedadiisu ahayd “Wacyigalinta bulshada ee Doorashooyinka 2020-2021

ayaa diiradda lagu saaray in bulshada xog laga siiyo hawlaha guddiga iyo arimaha la xariira sharciga doorashooyinka. Gudoomiye ku xigeenka Guddiga Madaxabanaan ee Doorashooyinka Qaranka Aadam Cabdinaasir

ayaa furay kulanka isagoo sharraxaad ka bixiyay muhiimmadda Wacyigalinta ay bulshada u leedahay iyo sida ay GMDQ uga go'an-tahay la tashiga bulshada Soomaaliyeed meel kasto oo ay joogaan. Madaxa xafiiska Guddiga ee Koonfur Galbeed Yuusuf Cabdulkadir Maxamed ayaa madasha kasoo jeediyyat sooyaal kooban oo ku aaddan asaaska GMDQ iyo hawlaha u soo qabsoomay si bulshada ka soo qaybgashay kulanka ay wax uga ogadaan hawlaha Guddiga. Sido kale waxa kulanka ka hadlay Komishineer Xuseen Cabdi Aadan oo ku dheeraday ka waranka Sharciga Doorashooyinka iyo hanaanka uu soo maray isagoo ku amaanay labada aqal ansixinta Sharciga doorashooyinka. Komishineer Xuseen ayaa yiri annagu sharciga ma samaynno laakiin waxaan nahay hay'addii fulin lahayd sharciga.

Ugu danbayn bulshadii ka soo qaybgashay kulanka ayaa su'aala ku saabsan arimaha doorashooyinka waydiiyay komishineerada, xubnii Guddiga ayaa ka jawaabay su'aalahii la waydiiyay.

GMDQ

GMDQ OO WADATASHI LA YEESHAY BULSHADA

MAAMULGOBOLLEDKA GALMUDUG

IFeb,2020, Guddiga Madaxabannaan ee Doorashooyinka Qaranka ayaa maanta Magaalada Dhuusamareeb kula kulmay qaar kamida Bulshadada halkaa ku dhaqan, kulanka oo ujeedadiisu ahayd “Wacyigalinta bulshada ee Doorashooyinka 2020-2021” ayaa diiradda lagu saaray in bulshada xog laga siiyo hawlaho guddiga iyo arimaha la xariira Shuruucda asaaska u ah Doorashooyinka sida Sharciga doorashooyinka ee heer Fedaaraal.Waxaa shirka Furay Gudoomiyaha Guddiga Madaxabanaan ee Doorashooyinka Qaranka Marwo Xaliima Ismaaciil Ibraahim, furitaanka ka dib ayey Gudoomiyuhu bulshada la wadaagtay sababta ay u yimaadeen Magaalada Dhuusamareeb oo ah; in ay la kulmaan Bulshada si ay xog uga siiyaan halka ay marayaan hawlaho doorashooyinka ee uu Guddigu ku hawlanaa in muddo ah.Gudoomiyaha ayaa bulshada la wadaagtay in sharcigii Doorashooyinka Qaranka ay soo ansixiyeen labada gole ee Barlamaanka Jamhuuriyadda Federaalka Soomaaliya uu saxiixay Madaxweynahu taas oo muhiim u ah qabashada doorashooyinka.

Gudoomiyaha ayaa sheegtay in ay tagi doonaan dowlad-goboleedyada dalka oo dhan si ay bulshada ula kulmaan, iyadoo sheegtay in todobaadkii hore uu Guddigu tagay Maamulka Koonfur Galbeed gaar ahaan Magaalada Baydhabo.



Kulanka GMDQ iyo bulshada maamul gobolledka Gal-mudug (Photo credit: NIEC)

LA TASHIGA GUDDIGA DOORASHOOYINKA BULSHADA DG HIRSHABEELE



Kulanka GMDQ iyo bulshada maamul gobolledka Hir-shabeele (Photo credit: NIEC)

25 febaraayo 2020, Guddiga Madaxabannaan ee Doorashooyinka Qaranka ayaa Magaalada Jowhar ku qabtay kulan balaaran oo ay ka soo qeyb galeen qeybaha kala duwan ee bulshada Reer Jowhar sida; Urrurada Haweenka, Dhal-linyarada, Naafada, Aqoonyahanada, Ardayda Jaamacadaha iyo Odoyaasha dhaqanka. Kulanka ayaa ahaa mid Guddigu Bulshada Reer Jowhar ku wacyi-geliyey arrimaha doorashooyinka la xiriir, isla mar ahaantaana uga warbixiyey halka ay mareyso meertada doorashadu. Ugu horrayn kulanka waxaa daah-furay madaxa xaafiska GMDQ ee Dow-lad Goboleedka Hirshabeele Mudane:

Maxamed Muktaar oo ka qeyb-galayaasha uga mahad-celiyey sida balaaran ee ay uga soo qaybgaleen kulanka, waxaa uuna sharaxaad kooban ka siiyey wax-qabadka xafiiska Doorashooyinka ee Jowhar.In-taas kadib waxaa ujeedada kulanka iyo imaansha Magaalada Jowhar ee GMDQ dul istagtagtay Kumushineer Khadiija Cosoble Cali, oo sheegtay in ujeedka socdaalkoodu yahay in bulshada la Wacyi-gelino, isla mar ahaantaana warbixin ka siino meelaha ay marayaan arrimaha doorashooyinka. Ugu danbayn waxaa shirka soo xiray Kumushineer Khadiija Cosoble Cali oo bulshada la dardaaranay, kuna dhiirigal-isay in bulshada gaar ahaan Haweenka iyo dadka baahiyaha gaarka qaba ay maalinka doorashada codkooda ku doortaan cidda matali karta.

GMDQ OO LA KULMAY GUDDIGA KU MEELGAAARKA AH EE DIYAARINTA SHARCIGA DOORASHOOYINKA QARANKA.



GMDQ iyo Guddiga ku meelgaaarka ah ee diyaarinta sharciga doorashooyinka Qaranka.(Photo credit: NIEC)

17ka Feb, Guddiga Doorashooyinka ayaa manta magalada Mogadishu kula kulmay Guddiga ku meelgaaarka ah ee diyaarinta Sharciga Doorashooyinka Qaranka. Kulanka labada Guddi ayaa diiradda lagu saaray talo is dhaafsi ku aaddan Sharciga Doorashooyinka Qaranka ee dhawaan ay ansixiyen labada gole ee Barlamaanka Jamhuuriyadda Federaalka Soomaaliya. Guddiga Madaxabanaan ee Doorashooyinka Qaranka ayaa la wadaagay Guddiga KMG ah ee soo diyaarinta Sharciga Doorashooyinka Qaranka talooyinkooda ku aaddan nuqulkii u danbeeyay ee Sharciga Doorashooyinka ay dhawaan ansixiyen Golaha Aqalka Sare ee Barlamaanka JF. GMDQ waxaa ka go'an in ay diyaariyaan doorashooyinka soo socda 2020, iyaga oo ka duulaya dowrkooda iyo shaqadooda.

GMDQ OO LA KULMAY GUDDIGA ISKUDHAFKA AH EE BAARLAMAANKA

31, Maars 2020. Guddiga Madaxa banaan ee Doorashooyinka Qaranka ayaa Magaalada Mogadisho kulan wada-tashi iyo xog-wareysi ah kula yeeshay Guddiga iskudhafka ah Baarlamaanka ee u xilsaaran diyaarinta xeerarka dhammaystirka u ah Sharciga Doorashooyinka Qaranka. Guddiga iskudhafka ah oo ka kooban labada aqal ee Baarlamaanka ayaa billaabay wada-tashiyo ay la yeelanayaan daneeyeyaasha ay arrinataani quseyo oo uu Guddiga Madaxabanaan ee Doorashooyinka Qaranku ka mid yahay. Dhawaan ayey ahayd markii hoggaanka labada gole ee Baarlamaanka Federaalka Soomaaliya ay iska dhux doorteen Guddigan oo soo diyaarinaya xeerar dhammaystir u ah sharciga doorashooyinka Qaranka ee uu bishii hore saxiixay Madaxweynaha Jamhuuriyadda Federaalka Soomaaliya.



GMDQ iyo guddiga iskudhafka ah ee Baarlamaanka(Photo credit: NIEC)

GUDOONIYAHU GUDDIGA OO LA KULANTAY TALI-YAHU CIIDANKA BOOLIISKA SOOMAALIYEED



Gudooniyaha GMDQ iyo Taliyaha Ciidanka Booliska
Soomaaliyeed (Photo credit: NIEC)

27, Maarsro 2020, Gudooniyaha Guddiga Madaxa-banaan ee Doorashooyinka Qaranka Marwo; Xaliima Ismaaciil Ibraahim ayaa xafiiska Guddiga ee magaalada Muqdisho kula kulantay Taliyaha Ciidanka Booliska Soomaaliyeed Mudane; Cabdi Maxamed Xajaar iyagoo ka wada hadlay arrimaha amaanka doorashooyinka dalka ka dhici doono dabayaqa qada sanadkaan 2020 iyo horaanta 2021.

Gudooniyaha iyo Taliyaha ayaa isla soo qaaday fulinta hawlihi lagu bala-may kulamadii u dambeeyay ee uu yeeshay Guddiga Amniga Doorashooyinku. Waxaa ay sidoo kale isla soo qaadeen daadajinta Guddiga Amniga Doorashooyinka heer dawlad-goboleed iyo sidii loo sameyn lahaa qorshe wadajir ah, kaas oo la jaanqadaya hawlalkanhananka farsamo ee hawlah doorashada sida diiwange-linta codbixiyaha.

Kulankaan ayaa ku soo aaday iyadoo horaantii isbuucan uu Guddiga Madaxabannaan ee Doorashooyinka Qaranka warsaxaaafadeed uu soo saarey kaga dalbadey Guddiga Amniga Doorashooyinka in ay dardar geliyaan hawlah sugida Amniga Doorashooyinka.

Taliyaha oo u mahadceliyay GMDQ ayaa dhankiisa ballan qaaday in ay soo dadajin doonan hawlah xagooda laga sugayo, isagoo guddiga ku amaanay sida ay uga go'an tahay qabsoomidda Doorashada dalka.

WARSAXAAFADEED KU SAABSAN SHARCIGA DOORASHOOYINKA EE HEER FEDERAL

GMDQ
Guddiga Madaxa-banaan
ee Doorashooyinka Qaranka

War Saxaafadeed
March 22, 2020

Gudiga Madaxaban oo Doorashooyinka Qaranka wuxuu soo dhawaynayaanshi xarci doorashooyinka heer federaliyo meelmarintisa. Waa tallaabo tarikhii ah oo horay loogu qaaday soo celinta xuquuqda doorashooyinka mawaadiniin Soomaaliyeed iyo geedi socodka hannaanka dimoqraadiyada 50 sano ka dib.

Waxaa sidoo kale GMDQ soo dhawaynayaas Guddiga Isku dhafka ah ee heer barlaamaan ee loo xilsaray soo saaridha qaraaradha iyo habraacyada lagama maarmarka u ah dhqan gelinta sharcige doorashooyinka oo ay ka mid yihiin:

- 1- Astaynta deegaan doorashooyinka kuraasta barlaamka.
- 2- Xuquuqda doorasho ee Gobolka Banaadir
- 3- Ilalinta Qoondada haweenka
- 4- Deegaan doorashaa xildhibannada Gobolada Waqooyi ee Somaliyeed.

Haddaba, Si guddigu u guto waajibaadkisa qaran uun ilalioo jadwalka waqtiyada ee howlaha doorashooyinka, Waxaan rajaynayaa in qaraaradan iyo habraacyadan ay soo baxaan ka hor waqtiga sharcyan ay tahay in Guddiga cayimo taariikhda doorashooyinka.

Sido kale Guddigu wuxuu cadsanaya in Golayaha sharcijenta ay dedejiyaan meelmarinta dib u eegista sharciga xisbiyada oo hada horyaala Golaha shacabka si xisbiyad ugu gudbaan xisbiyo rasmii oo sharcijad u leh in ay ka qaybgalaan doorashada 2020/21.

Guudigu wuxuu ugu baqaaya xisbiyada siyasadeed ee KMG ah inay isu diyaaryan sidii ay u buuxin lahaayeen shuruudaa ay ku noqon karan xisbi rasmii ah ee ka qaybagli kara doorashada.

Guudigu wuxuu si mug leh uga cadsanaya Golaha Isku dhafka ah ee Sugidiga Amniga Doorashooyinka in ay diyaaryan qorshayasha muhiimka u ah sugidiga amniga goboba diiwangelinta iyo codixkiinta ee doorashooyinka.

Wuxuu guddigu wuxuu u mahad celinaya xukumadda Federalka Soomaaliya, Dawladda Goboleedyada wadashaqueeynta iyo taageerada ay siileen hawlah muhiimka ah ee diyaar garowga farsamo ee doorashada 2020/21.

Sido kale Guddigu wuxuu u mahad celinaya Carammada Middoobay, Hawigalka Midlowga Afrika ee Soomaaliya iyo Saaxilbadda Soomaaliyeed ee taageerada la garabtaagan dhismaha dowladnimada Soomaaliya iyo dimoqraadiyenteen, doorashooyinka iyo sidoo kale nabadeynta.

Ugu dambeyn, Guddigu wuxuu ugu baqaaya bulshada Soomaaliyeen in ay qayb qaataan kaalintu kaga aadan xaqiijinta iyo hirgelinta howlaha muhiimka u ah doorashada 2020/21.

Guudigu wuxuu lahayay ka baryayaan in mislibada cudur ee dunida hayasta naga dulqaado,

Mahadsanidin
Gudooniyaha Guddiga Madaxa-banaan ee Doorashooyinka Qaranka

GMDQ

